

Band X., Nr. 4271, Seite 58-59

*Eberhard von Balingen, Altschultheiß von Rottweil und seine Söhne
urkunden wegen der Jahrzeitstiftung in Kloster Rottenmünster für
Eberhards Vater Berthold.*

Ohne Ortsangabe, 1292. August 4.

Allen den, die disen brief gesehent oder gehörent, tûn wir Eberhart von Balgingen der alte schulthaisse von Rotwil, Herman unde Bentz sine süne, kunt, sit Berhtold von Balgingen min des vor genanten Eberhardes brüder gegeben het durch got unde durch mins unde sins vatters unde anderre unserre vorderan selan willen . . der abbetissinnun unde der samenungen von Rotenmünster sinen taile des hoves ze Tågewingen unde den hûbezhenden, der wider in den hof höret, und swaz rehtes oder geltes er an dem selben hove hette, unde ouch der halbun hûbe ze Lidringen, daz wir gelobat hant unde uns da zû bindent mit disem gegenwärtigen brieve, swenne diu zit kumet, daz . . diu abbetissin unde diu samenunge von Rotenmünster disiu gût niessende werdent, daz wir diu selben gût unde dis gelt umbe siu lösen sülent inrehalb vûnf jaren umbe viertzehen marc silbers Rotwiler gewâges. Ist daz wir siu in den vûnf jaren niht enlössent, so sülent siu daz selbe gût unde dis gelt danach iemer haben und niessen mit allem rehte untz an die stunde, daz siu uns mit minnen oder mit rehte über koment, daz wier siu lösent umbe vierzehen marc silbers unde siulent umbe dise gifte . . diu abbetissin von Rotenmünster und die an den des selben closters ding stat alliu jare an herne Berhtoldes sâligen von Balgingen mines des vor genanten Eberhards und Berhtolds vatter jarzeit der samenunge ze Rotenmünster geben drû phunt phenninge Rotwiler durch des selben Berhtolds sâligen sele willen, und ist daz jarzeit iemer an dem ahtoden dage nach sante Johannstes dag ze siunegihten. Unde daz dis ware si und stâte blibe, der umbe han wir die vor genanten Eberhart, Herman unde Bentze sine siune disen brief gebetten sigelen mit der stette ingesigele ze Rotwil. Wir . . der schulthaisse, . . der burgermaister und der rat von Rotwil verjehent, daz alles, daz da vor geschriben stat, vor uns an offemme gerihte geschehen si, unde henckent der umbe durch herne Eberhardes von Balgingen unde Hermans und Bentzen siner siune unserre burger bette unserre stette ingesigule an disen brief zû ainem urkûnde.

Dis geschach an dem mândage nach sante Peters dag, in dem jare do man von gottes gebürte zalte zwelf hundert jare und zwai und niunczig jare, und warent der an Cûnrat Bletz zem adeler, Cûnrat Vocke, Alber Vocke, Ülrich sin brüder, Hainrich sin brüder, Herman sin brüder, Cûnrat an der Waltstrasse,

II

Wernher sin brüder, her Hainrich Schappel der alte, Rûdege[r] ze Brugge,
Hainrich Baldemar unde ander biderbe liuthe genüge.

—

Textabdruck folgt dem Original (italienisches Perg.).

Siegel s. WUB, Bd. IX, S. 285, Nr.3866.

Überlieferung und Publikationen

Lagerort:

HStA Stuttgart

Signatur/Titel des Originals:

B 494 U 529

Weitere Angaben

Sprache:

Deutsch

Ausstellungsort:

Ohne Ortsangabe

Ortsindex:

Balingen Wohnplatz (16253)

Balingen, BL

Leidringen Wohnplatz (16507)

Leidringen, Rosenfeld, BL

Rottenmünster Wohnplatz (12415)

Rottenmünster, Rottweil, RW

Rottweil Wohnplatz (12416)

Rottweil, RW

Täbingen Wohnplatz (16517)

Täbingen, Rosenfeld, BL